

陳 天竺三藏 真諦譯

天親造《佛性論》卷2：

言「四輪」者，一住如法國土、二依善知識、三調伏自身、四宿植善根。「輪」有三義（得、度、載）：

一者未得令得、得令不失；

二者能度，從此至彼，從他相續（bahiddha外在的？）至自相續（sasantati=ajjhata內在的？），從自相續復至於他。

三者能載，為能從生死得至涅槃。

案：

一、增支部（AN 4.31）《輪經疏》：輪有木輪、寶輪、法輪、威儀路輪及成就輪（sampatti-cakkam）五種。

二、《雜阿含379經注》：「樹他相續，令於自證生信解者，謂如長老阿若憍陳，從世尊所聞正法已，最初悟解四聖諦法。」（CBETA 2019.Q3, Y31, no. 30, p. 109a3-4）。

一住善處者，即是能修正行善人所住之處。若於中住，恒見此人，故得覺意。覺者覺悟，意者善心，因此受持善法等事。故佛說偈言：

無知無善識，惡友損正行，  
蜘蛛落乳中，是乳轉成毒。  
是名應住如法國土。

二近善友，善友者有七分。

如偈言：

1能施、2重、3可信，4能說、5能忍受，  
6說深為善友，7安弟子善處。

七分者，一能施，由能施故令地（？）憐愛，愛故尊重，重故可信，可信故能說，由能說故能忍受外難，能忍受故能說深理利於善友。由說深法故，能安善友置於善處。若有能備此七德者，可堪依止為善知識。

若總論此七，不出三義：一樂憐愍、二聰明、三堪忍。三義若少一種，則非善友。

若但憐愍，不能聰明，譬如父母雖念子病不能救治。

若但聰明，無慈愍者，如怨家師不治他疾。

若不能堪忍，則自行不足，憐愍、聰明亦不成就故。

離雖七種，合不出三。

1能施、2尊重、3可信，此三屬「憐愍」攝。

4能說，及6說深理，此二屬「聰明」攝。

5能忍屬「堪忍」攝。

7安善處，（憐愍、聰明、忍）並通三種。

其「聰明」者表離愚癡，能「堪忍」者表異凡夫，三「憐愍」者表異二乘。唯佛世尊備此三德，故堪為眾生真善知識。

三調伏自身心者，如正教行，聞時無散亂心、思時無輕慢心、修時無顛倒心。若（不發正願）不自調伏身心者，善處、善友則無所用。

四宿植善根者，以為解脫分故修善根。善根者，謂信、戒、聞、捨、智。

信者，不離三寶正念。

戒者，為不離善道。

聞者，1自聞、2令他聞、3不令他倒聞、4不障他聞。

因四聞故，今世得聞及思、修等可為法器，三慧具足。

捨者，有二：

一由昔捨物施他，今則損於貪愛。

二由昔捨法施人，今則輕滅無明。

由此捨故，貪愛、無明並稍輕薄，以是因緣得解脫

果。

智者，是人先世已曾思擇三寶、四諦故，於此生得世正見，乃至盡智（惑竟）及無生智（不受後有）。如是之人雖具三輪，若無宿善，今生五根則不具足，便是生於八難等處。故知若無宿世善根，則前三輪無所復用。（案：與巴利注相似）

總此四義，譬之為輪，四若少一，輪則不成，解脫之名無由得立。由此四法和合故能得解脫道者，如輪能運、能轉，至解脫時無復此能。如聖王輪備有四物，所謂轂、輞、輻、軸。

若無此四，輪則不成。以是義故，若未與四輪相應者，是時厭離生死觀及涅槃功德觀並不得成。

(CBETA, T31, no. 1610, p. 800a17-c29)

# 輪

